

**STJÓRNARFUNDUR HÓTEL VARMAHLÍÐ
PRIÐJUDAGINN 15. SEPTEMBER 2009 KL 12:30.**

Priðjudaginn 15. september kom stjórn SSNV saman til fundar í Hótel Varmahlíð. Mætt voru: Elín R. Líndal, Björn Magnússon, Ágúst Þór Bragason, Páll Dagbjartsson, Þórdís Friðbjörnsdóttir og Jón Óskar Pétursson framkvæmdastjóri, sem ritaði fundargerð. Gréta Sjöfn Guðmundsdóttir verkefnisstjóri sat fundinn undir 1. lið og Hermann Einarsson var í símasambandi. Guðmundur Guðmundsson frá Byggðastofnun sat fundinn undir 3. lið og einnig Stefán Haraldsson, atvinnuráðgjafi.

Formaður Elín R. Líndal setti fund og bauð nýjan stjórnarmann, Ágúst Þór Bragason, velkominn til starfa í stjórn SSNV.

1. SSNV málefni fatlaðra

- a. **Fundargerð þjónustuhóps frá 09.09.2009.** GSG kynnti einstaka liði fundargerðarinnar.
- b. **Bréf félags og tryggingaráðuneytisins dags 15. júlí 2009 – afgreiðslu var frestað á stjórnarfundum þann 12.08.2009.** Í bréfinu er boðuð 3-5% hagræðingarkrafa á allar svæðisskrifstofur og þjónustusamninga málefna fatlaðra. Í bréfinu koma einnig fram þau leiðarljós sem ráðuneytið leggur til grundvallar. Rætt var vinnuferli við endurskoðun fjárhagsáætlunar í ljósi boðaðs niðurskurðar á fjárframlögum til þjónustusamningsins. GSG og JÓP kynntu hugmyndir að vinnulagi við hagræðingaraðgerðir. Stjórn felur framkvæmdastjóra og verkefnisstjóra að vinna samræmdar hagræðingartillögur milli þjónustusvæða í samráði við fulltrúa sveitarfélagana.

2. Eftirfylgni við ályktanir og umræður að afloknu ársþingi – starfsáætlun

vetrarins. Lagðar fram ályktanir 17. ársþings SSNV ásamt niðurstöðum úr hópavinnu sem fram fór á ársþinginu. Framkvæmdastjóri greindi frá samtölum við formann fjárlaganefndar vegna eftirfylgni við verkefni NV nefndar. Óskað hefur verið eftir fundi með fjárlaganefnd vegna NV verkefna og annarra málefna Norðurlands vestra. Þá greindi framkvæmdastjóri frá samtali við skrifstofustjóra menningarmála í menntamálaráðuneytinu vegna endurnýjunar menningarsamnings.

Umræður urðu um eftirfylgni með ályktunum. Framkvæmdastjóra falið að vinna minnisblað, í samráði við stjórnarmenn, sem inniheldur áhersluatriði SSNV sem lagt verður fyrir fjárlaganefnd og þingmenn NV kjördæmis.

Rætt um tillögu um stöðu Siglufjarðar innan SSNV málefna fatlaðra sem þingið vísaði til stjórnar til nánari útfærslu. Framkvæmdastjóra falið að vinna tillögu fyrir næsta fund.

Afgreiðsla starfsáætlunar frestað til næsta fundar.

3. SSNV – atvinnuþróun

- a. **Verkefnayfirlit atvinnuráðgjafa ágúst 2009.** Framkvæmdastjóri skýrði einstaka verkefni.
- b. **Hveravellir – staða mála.** Stefán Haraldsson atvinnuráðgjafi er mættur til fundarins. Lagði hann fram minnisblað og kynnti hann vinnu sem farið hefur fram á vegum SSNV atvinnuþróunar, Vaxtarsamnings Norðurlands vestra og Hveravallafélagsins nú í sumar varðandi ferðaþjónustu á Hveravöllum. Gerður hefur verið verkefnasamningur milli SSNV atvinnuþróunar og

Hveravallafélagsins. Samkvæmt honum hefur m.a verið ráðist í gerð könnunar á meðal gesta, en niðurstöður hennar verða nýttar til áætlanagerðar og stefnumótunar. Auk þess verður veitt aðstoð við gerð fjárhags-og framkvæmdaáætlunar til þriggja ára. Umræður urðu um næstu skref og framtíðarsýn varðandi uppbygginu á Hveravöllum.

SH falið að afla upplýsinga um fyrirkomulag uppbygginu og rekstrar þjónustumiðstöðva m.a í Dimmuborgum og við Gullfoss.

- c. **Dagur atvinnulífsins – drög að dagskrá.** Lögð fram til kynningar drög að dagskrá Dags atvinnulífsins sem haldinn verður í Félagsheimilinu á Blönduósi fimmtudaginn 15. október 2009.

- d. **Önnur mál.**

1. **Kalkþörungavinnsla.** Framkvæmdastjóri fór yfir stöðu mála og sagði frá samskiptum við fulltrúa franska fyrirtækisins Group Roullier, en fyrirtækið hefur áhuga á uppbyggingu Kalkþörungavinnslu í Húnaþingi vestra. Fyrirtækið hefur þegar fengið úthlutað rannsóknarleyfi á kalkþörunganámmum í Hrutafirði og Miðfirði sem fyrirhugað er að ráðast í á næstu dögum.
2. **Þjónustusamningur SSNV atvinnuþróunar og Háskólans á Hólum um kennslu í markaðsfræði.** Stjórn samþykkir samninginn.

4. SSNV

- a. **Skýrsla endurskoðunarhóps um starfsemi landshlutasamtaka sveitarfélaga.** Lögð fram til kynningar.
- b. **Open days 2009.** Framkvæmdastjóri kynnti efni málþings sem er hluti dagskrár á Opnum dögum í Brussel, þann 6. október n.k.. Fulltrúi landshlutasamtakanna í Norðvesturkjördæmi Páll Brynjarsson, sveitarstjóri í Borgarbyggð, verður með erindi á málþinginu sem haldið er undir hatti NSPA samstarfsins (Northern Sparsely Populated Areas). Þá ræddi framkvæmdastjóri undirbúning vegna heimaviðburðar Open days, en fyrirhuguð er ráðstefna um endurnýjanlega orkugjafa á Bifröst þann 26. nóvember 2009.

5. Bréf og fundargerðir

- a. **Fundargerð 766. fundar Sambands Íslenskra sveitarfélaga.** Lögð fram til kynningar.

6. Erindi frá alþingi

- a. **Frumvarp til laga um kosningar til sveitarstjórna, 149. mál, persónukjör.** Lögð fram umsögn Sambands Íslenskra sveitarfélaga um frumvarpið. Stjórn SSNV tekur undir umsögn Sambandsins en bendir jafnframt á að nokkur kostnaðarauki fellur á sveitarfélögin vegna þessa.

Fleira ekki tekið fyrir og fundi slitið kl 15:30.
Jón Óskar Pétursson fundarritari

This document was created with Win2PDF available at <http://www.win2pdf.com>.
The unregistered version of Win2PDF is for evaluation or non-commercial use only.
This page will not be added after purchasing Win2PDF.